

達人。心立身。忌草艸。受恩惟恐多。入仕亦
戒早。俯仰懷古人。守貞以爲寶。此即瞻遲
先生言志
之詩生平進退允符斯語年命
不永未展素抱朝野共婉惜之

送大兄南還

重到永明半載餘。匆匆襆被返衡廬。營巢
每笑逢秋燕。縱徑真同避釣魚。三徑春風
侍童冠。一簾花雨潤琴書。故鄉自足林泉

趣最荷

君恩許遂初

金德嘉

字會公。湖廣廣濟人。康熙壬戌進士第一。官翰林院檢討。

得張師石書卻寄

杜門久與故人違。忽有音書到竹扉。過眼
物華雙鳥翼。驚心風雨一牛衣。春雲江樹
黃泥坂。秋水漁燈赤鼻磯。日暮狂歌當濁
酒。不禁西望思依依。

許汝霖

字時菴。浙江海寧人。康熙壬戌進士。官至禮部尚書。著有德星

集

贈湯宗伯潛菴先生

豫州天中央。文星木躔角。靈山拔嵩少。德
水交伊洛。鬱爲人文區。名賢代有作。煌煌
二程子。千載振絕學。後來漸榛蕪。斯道孰
開拓。先生出曠世。日朗螢火燭。蘊蓄富淵
源。發揮啟橐籥。本根秋實茂。藻采春華落。
圖報祇辭章。中懷諒已薄。初登慈珠榜。遂
入石渠閣。朝廷愛人才。破例展猷略。分

藩試歛歷江右專鎖鑰蔚州老司寇許子
必斟酌謂公真清廉才品並卓犖薦揚大
臣事彼此兩不忤適當時右文設科召宏
博公仍歸禁院獻賦卑五柝衡文來兩浙
悉剖崑山璞還朝品彌高比岱長群嶽東
南資重鎮宵旰切民瘼簡在撫吳中民
望胥踴躍吳俗久奢靡正氣日以剝大端
示鎮靜積習還淳朴新圖鄭俠繪淫祀懷

英削。百事具規模。群情奉繩約。又因漸以
蘇病夫遇良藥。九重念舊臣。內召藉啟
沃。袞衣行有日。里巷驚以愕。畊樵出山野
商旅闐城郭。卧轍肩相摩。攀轅趾交錯。公
去國本端公。留一方樂計。大無曲徇。眷隆
有深託。天子建文華。東宮開講幄。巖巖
師傅席。醇儒孰公若。禮儀視舉止。恭謹愈
盤躔。崇階領秩宗。三禮兼典樂。生平稽古

力蒙此雨露。渥憶余舊識公。回首事猶昨。
初從魏公座相見。獲酬酢。公貌謙而和。公懷
端且恪。始知賢達意。寧靜必淡泊。儀型儼在
茲。小鳥隨鸞鵠。拜獻忝後塵。發蒙仰先覺。近
聞嬖孽輩。醜正忌。磊落蠅營王。可點火燎金。
欲燦明良。既相遇衆女。任誚詆。願公篤忠貞。
襟懷等寥廓。他時明農歸。悠然卧巖壑。
送楊自西少司馬終養歸里

銅柱留名紀壯猷。翩然綵服放扁舟。兩朝
養望儲黃髮。八座辭榮奉白頭。客久誰無
歸里夢。官高偏忘倚門憂。先生愛日情何
限。手筆咳蘭進饁饈。

官高不能養親戀戚有之畏懼亦有之然

能哀切陳情聖朝無有不諒其孝思者王介甫云古人一日養不以三公換
居官者盍思其言

送張侍御歸里

孤忠原不問升沉。正氣稜稜自古今。已見

黃扉傳諫草。何妨青海解朝簪。一鳴終落
憑城膽。三黜寧忘報國心。從此歸田把鋤

耒。泥塗終荷主恩深。

上章教孝此章教忠立言自應尔尔

史

夔

字胃司江南漂陽人康熙壬戌進士官至詹事府詹事。官詹

公詩當時不必有赫赫名然迄今讀之意足韵流無一閑句閑字得唐賢之三昧者也臺閣而不涉應酬山林而不入寒廩足規詩品

長干曲

妾家長干住。嫁與里中兒。願同比翼鳥。生

死恆相隨。豈知別離苦。郎作襄陽賈。昨夜
鄰船開。寄書與郎去。大堤花正飛。歌舞醉
芳菲。但言估客樂。誰勸不如歸。郎如白石
郎。妾似青溪女。花落板橋南。年年長獨處。
何日下江潮。相迎皂莢橋。還憂風浪苦。中
道滯歸橈。怨而不怒
是爲雅音

合澗橋步月

門閉亂山高。月出萬象杳。香攬衣步巖際。俯

視羣木杪。霜黃樹色暗。地白人影小。湖光
遠濛濛。巢鶴近了了。猿啼晚更急。虎跡寒
覺少。還歸冷泉亭。坐待山月曉。
詩思清人骨

飛來峰

衆壑遙隱現。一峰獨亭亭。怪石煉五色。神
功開六丁。秀骨咏天巧。孤根闢地靈。花萼
破空翠。劍戟攢高青。氣若逼星斗。勢欲凌
浪溟。三竺共
偃仰。兩高鬪瓏玲。木生不假土。泉出還無

形倒垂。萬菡萏側走千雷。霆鳥徑不崩。坎
鬼工。太崢嶸。萬象歸窈窕。百靈入晶熒。洞
門閤雨色。石扇羅秋屏。松雪夜了了。陽光
晝冥冥。花塢亂楓木。水泉鳴茯苓。自注山有楓木
為茯苓泉伏虎衛佛法。老猿守丹經。我欲問寶
訣。歸來煉黃寧。極意判畫讀者如置身靈鷲峰間

發京邑

靡靡卽長道。承

命發華輶。寒風吹易水。

涼月渡蘆溝。河梁霽暮色。驅車登古邱。西
望九折坂。南顧江河流。江河多風濤。道路
阻且修。欲濟川無梁。引領心懷憂。厲揭古
有訓。慷慨懷前脩。慎風波履正軌言
中言外均有之

陶靖節故里

淵明居柴桑。日與廬山對。云何詩百篇。未
嘗道隻字。乃知作詩者。適然與興會。譬如
曰陶然飲酒。非本意。又如曰鼓琴無絃。更

高致想見胸。次間纖塵無障礙。門柳故蕭疎。籬菊亦蕉萃。徘徊墟里烟。慨然發長喟。
詩以與會成道盡詩人意趣而以意不在酒意不在琴証之陶詩須如此讀陶公人品須如此觀

無錫望惠山

九峰天半落。一棹夕陽過。客爲遊山盛。船因載水多。溪邊高士宅。月下榜人歌。好趁樵風便。輕船採芰荷。
船因載水多眼前語卻人不解道

弘濟寺

成削寒侵袂。谿訝樹隱門。石頭依法座。佛
足上江痕。山淺容舟入。潮平汲水渾。鷓鴣
如有意。飛近水邊村。

佛足五字奇
驚似岑嘉州

高郵

三十六波秋。孤城水上浮。魚龍尊窟宅。鴻
雁叫汀洲。苔沒高沙館。潮平甲仗樓。片帆
何處泊。身世一輕鷗。

淮安

西風下淮泗。潮落見三洲。臺沒空垂釣。詩
成獨倚樓。帶刀如舊俗。聞笛感新秋。寂寞
山中桂。誰憐景物幽。趙嘏山陽人故有倚樓聞笛之語帶刀用

淮陰侯傳

鳳凰山弔宋故宫

天目千年王氣摧。海門三日打潮回。繁華
欲盡紅羊換。歌舞方酣白雁來。山鬼夕陽

迷古路銅駝陰雨泣蒼苔當時不悟興亡
理錯怨西湖是禍胎。紅羊換劫年見張翥詩白雁來當時童謠

兆伯顏來也

涿鹿道中望西山

紅塵雨洗淨秋煙黛色嶙峋夕照前。七月
早歸彭蠡雁一山橫斷太行天。乘槎興已
江湖外。捧日心猶霄漢邊。策馬高原頻悵
望。薊門雲樹尚依然。